



13
1787
32



門 43
號 1787
卷 32

4



書帝曰臯陶汝作士五刑有服五服三就五流有宅五宅三居
惟明克允

家語季羔為衛之士師則人之足俄而衛亂季羔逃之走郭門
剛者守門焉季羔謂剛者吾不能虧主之法而親剛子之足矣
今吾在難此正子報怨之時而逃我者三何故哉剛者曰斷足
固我之罪無可柰何曩者君治臣以法令先人後臣欲臣之免
也臣知之獄決罪定臨當論刑君愀然不樂見於顏色臣又知
之君豈私臣哉天生君子其道固然此臣之所以脫君也孔子
聞之曰善哉為吏其用法一也思仁恕則樹德加嚴暴則樹怨
公以行之其子羔乎

新序楚昭王有士曰石奢者公正好義王使為大理於是廷有

殺人者奢追之即其父也遂反於廷曰殺人者父也以父成政
 不孝不行君法不忠弛罪廢法而伏其辜僕之所守也伏斧鑕
 命在君君曰追而不及庸有罪乎子其治事矣石奢曰不私其
 父非孝也不行君法非忠也以死罪生非廉也君舍之上之慮
 臣不敢失法下之行也遂不離斧鑕刎頸而死于庭晉文公時
李離為大
理過聽殺不辜自繫曰臣之罪當死文公令之曰官有上下罰
有輕重是下吏之罪也非子之過也離曰臣居官為長不與下
吏議位受爵為多不與下吏分利今
過聽殺無罪臣之當死遂伏劍而死
 楚莊王有茅門者法曰羣臣大夫諸公子入朝馬蹄蹂雷
 廷理斬其軻而戮其御太子入朝馬蹄蹂雷廷理斬其軻而戮
 其御太子大怒入為王泣曰為我誅廷理王曰法者所以敬宗
 廟尊社稷故能立法從令尊敬社稷者社稷之臣也安可以加

誅後漢崔正德箴邈矣臯陶制唐作士設為犴狴九
則名理如石之平如淵之清三槐九棘以質以聽

前漢書張釋之為廷尉文帝嘗行有人從渭橋下出乘輿馬驚
 捕之屬廷尉釋之奏其犯蹕當罰金上怒釋之曰法者所與天
 下公共也方是時上誅之則已今已下廷尉廷尉天下之平也
 一傾天下用法皆為之輕重人安所措其手足乎後有盜高廟
 座前玉環得令族之釋之奏當棄市大怒釋之曰法如是也今
 盜宗廟器而族之如愚人取長陵一杯土陛下何以加其法乎
 于定國為廷尉為人謙恭尤重經術其決獄平法務在哀鰥寡
 罪疑從輕加審慎之心朝廷稱之曰張釋之為廷尉天下無冤
 民于定國為廷尉民自以不冤
 孔光為廷尉光久典尚書練法令號稱詳平時定陵侯淳于長

坐大逆誅長小妻廼始等六人皆以長事未發覺時棄去或更
嫁及長事發丞相翟方進等議廼始等於法無以解請論光以
為夫婦之道有義則合無義則離廼始等或更嫁義已絕而欲
以為長妻論殺之名不正不當坐有詔光議是范延壽宣帝時
為廷尉時燕趙
之間有三男共娶一妻生四子長各求離別爭財分子至聞于
縣縣不能決斷讞之于廷尉於是廷壽決之以為悖逆人倫比
之禽獸生子屬其母以子並付母片三男于市奏
免郡太守令長等無師化之道天子遂可其言
郭恭字仲孫元和三年為廷尉家世掌法務在寬平及典理官
決獄斷刑多依矜恕躬弟子鎮自廷尉左監遷廷尉凡郭氏為
廷尉者七人

唐書劉德威為大理卿太宗問德威曰近來刑網稍密其過安
在德威奏言誠在主上不由臣下人主好寬則寬好急則急律
云失入減三等失出減五等今則反是無辜失出則便獲大罪
所以吏各自愛競執深文非有教使之然畏罪之所致耳太宗
然之

張文瓘兼大理卿至官旬日斷疑獄四百抵罪者無怨言文瓘
有疾繫囚相與齊禱願其視事當時咸稱其執法平恕比戴胄
焉拜侍中大理諸囚一時慟哭其感動人心如此

唐臨為大理卿初蒞職斷一死囚先時坐死者十餘人皆他官
所斷會太宗幸寺親錄囚徒他官所斷死囚稱冤不已臨所斷
者嘿而無言太宗怪之問其故囚對曰唐卿斷臣必無枉濫所
以絕意太宗歎息久之曰為獄固當若是

天文錄平星主廷平主平天子之獄故星讚曰平星執法天文

貫索九宿故大理刑官所居總名曰貫城陳子昂為司刑衣卿讓表榮加天寵職察雲司又以大理寺為北寺帝昭辨尉尉也

非也猶刺史刺舉不法也綺談謂大理為大棘

唐官品志廷尉卿梁國初建曰大理天監元年復改為廷尉有

正監平三人元會廷尉三官與建康三官皆法冠玄衣朝服以

監東西中華門手執方木長三尺方一寸謂之執方

國史宋竇儀判理寺奉詔重定刑統援引律疏勅格參酌重輕

增為三十卷尤為詳備太祖嘉之向敏中判理寺時没人祖吉

賊錢分賜法吏敏中引鍾離意委珠事獨不受唐張道原拜大

得罪籍其家屬賜摩臣道原曰禍福何常安可因已之泰利人之否取其子女以為僕妾豈仁者之心皆捨之一無所取使以

衣食遣之

言行錄李浩大理奏結獄上顧輔臣曰棘寺當得剛正如李浩

者為之已而卿闕上曰無易李浩遂除大理卿故事寺獄空上

表賀公獨不奏唐書王志愔見大理官以縱罪為寬恕以宇文為苛刻遂上應正論以見志

筆談大理法官皆親節案不得使吏人中書檢正官不置吏人

每房給楷書一人錄淨而已蓋欲士人躬親職事格吏奸無歷

試人才也

唐書太宗謂侍臣曰大理之職人命所懸當妙選正人無過戴

胄乃以為少卿胄論刑獄皆無寬濫隨方指擿言如漏泉時有

託資蔭胄牒取調者詔許自首不首當死俄有詐得者胄以法

當流帝怒曰卿貴獄也胄曰法者布大信於民言乃一時喜怒

所發陛下以一朝忿將殺之既知不可而責於法此忍小忍存

大信也若阿忿違信臣為陛下惜之帝大感悟

徐有功轉司農少卿皇甫文備誣有功縱逆黨久文備坐事下獄有功出之或曰彼常誣公於獄公生之何也對曰爾所言者私忿我所守者公法不可以私害公嘗謂所親曰身為大理人命所懸必不順旨說詞以求苟免 鹿城主簿潘好禮慕徐有功為人論之曰昔稱張釋之為廷尉天下無寃人然釋之當漢文帝時中外無事守法而已有功居革命之際周興來俊臣掩義隱賊宗飾惡言以誣盛德有功守死明道身瀆殆者數矣此其賢於釋之明甚或稱有功仁恕過漢于張起居舍盧若虛曰徐公當雷霆之震而能全仁恕雖千載未見其比北齊書宋世軌為廷尉少卿時大理正蘇珍之亦以平幹知名

寺中為之語曰決定嫌疑蘇珍之視表見裏宋世軌時人以為

寺中二絕

宋史元豐間大理丞內降公事上下皆曰是詔獄也少卿韓晉卿獨持平覈實無所觀望上知其才凡獄難明及事係權貴悉

以付國史仁宗時陳大素權大理少卿又判大理寺號為明習法令

漢書張湯與何比干同時為寺正湯持法深而比干務仁恕數與湯爭所濟活者千數何氏家傳云比干夢貴客車騎滿門覺以語妻語未已有老姥謂比干曰公有隱德今天賜君策因出懷中符策狀如簡長九寸凡九百九十枚以授比干子孫佩綬者當如此自汝陰徙平陵為名族

魏志司馬芝遷大理正有盜官絹置都厠上者吏疑女工收以

何獄芝曰刑罪之失失在苛暴今贓物先得而後訊其辭若不勝掠必致誣服之情不可以折獄且簡而易從大人之化也不失有罪庸世之治耳今宥所疑以隆易從之義不亦可乎太祖從其議

南史顧協少清介有志操初為廷尉正冬服單薄寺卿蔡法度欲解褐與之憚其清嚴不敢發口謂人曰我願解身上襦與顧即顧即難衣食者竟不敢以遺之顧榮字彥先以南

唐書杜景佺徐有功為司刑丞與來俊臣侯思正同理獄人稱之曰遇徐杜必生遇來侯必死胡元禮自丞遷少卿嘗出一死

曹此人無活法李日知報曰日知不離刑曹此人無死法竟以兩狀申日知果宜

漢書宣帝詔曰今遣廷史與劾鞠獄任輕祿薄其為置廷平秩

六百石員四人其務平之以稱朕意於是選于定國為廷尉求明察寬恕黃霸等以為廷平刑獄號為平矣

兩京雜記吏部銓注拾遺評事赤尉才望清高標格孤秀者署為之俗號三緊官拾遺立緊以其行立在此省之次獻可替否也評事出緊以其銜恩按覆彈射不法也赤尉坐緊以劇縣決

遣權豪畏威也入仕之路歷是三官者時輩共以為榮陳子昂集詳刑

比寺鷄鳩之政無聞禁加天寵職察雲司胡文恭制用進丞於棘路往治讞於竹刑

唐新語杜暹授鄭尉以清節見知華州司馬楊孚公直士也深賞重之孚遷大理正暹坐公事下法司結罪孚謂人曰若此尉得罪則公清之士何以勸矣特薦之於執政由是擢拜大理評

事

太常寺

類聚太常寺古之秩宗周曰宗伯奉常漢初曰太常惠帝更仍
 秦舊景帝中六年復為太常其屬官有太樂太祝太宰太史太
 卜太醫均官都水諸廟寢園令長丞晉增置協律校尉梁加寺
 字又置總章校尉唐太常寺卿一人少卿二人武后光宅改司
 禮寺神龍藏太饗之祭服有四院曰天府藏瑞應及代國之寶
 御衣藏天子祭衣樂懸藏六器神廚藏御廩及諸器宋初太常寺皆以禁林
 之長主判而禮院自有判院同判院祥符中別建禮儀院輔臣
 主判而兩制為知院梁天監象四時置十二卿太常宗正司農
 卿後魏大和初置少卿一人北齊為小宗伯景明初少卿第一
 清選明禮樂兼天文陰陽者為之奉常秦官有丞漢多以博

士議郎為之唐因隋太常丞從五品下博士秦官漢叔孫通
 為博士定禮制唐初清選從七品資位與補闕同掌撰五禮儀
 注按三公三品以上功過善惡為之謚大禮則贊卿導引乘輿
 贊相祭祀定誅謚及祥瑞之事元有卿少卿丞博士太祝周建
 先六太太祀下大夫二人上士四人掌六祝之辭祈福祥秦
 奉常有太祝景帝更名祠祝武帝更名廟祝宋太祝從八品奉
 禮郎後漢太鴻臚有治禮郎後齊鴻臚司協律郎漢武李延年
 魏武時杜夔為之晉改太廟署周有守祧之官漢有諸廟令長
 協律尉後魏有協律尉太廟署丞宋別置太廟后廟官闈內各
 侍內充郊社署周祭天地南北郊有典祀中士二人下士四人
 諸陵署周冢人下大夫二人中士四人掌公墓之地漢太常屬
 馬相如為太樂署周太師掌六律六呂以合陰陽之聲秦漢奉
 茂陵令丞晉元帝并於鼓吹後周有司樂上中士唐武德置內教坊
 十禁中如意改雲韶府開元置左右教坊開成改仙韶院

國朝置太常寺卿正三品少卿正四品寺丞正六品博士典簿俱正七品之職焉

會典凡大祀 天地及 朝日 夕月各壇分獻官本寺預取

職名具奏請 旨點定各具手本知會仍揭榜於神樂觀前通

知

凡大祀 天地及祈穀於 上帝時享等祭前期本寺官俱進

祝版及銅人并上殿奏齋戒前期同光祿寺官奏省牲次日同

復命

凡祝版舊例本寺博士官齋沐寫完代填 御名嘉靖八年

上始親填

漢書應邵曰常典也掌典三禮也師古曰太常王者旌旗也畫

日月為王有大事則建以行禮官主奉持之故曰奉常也後改

為太常尊大之義也楊雄歲母曰我才輕身恃巫東鄰之犧牛不如西鄰之麥魚

高祖滅秦已登尊號群臣欲爭功醉或妄呼拔劍擊柱高祖患

之於是叔孫通進說遂設綿絕野外習之月餘通曰可試觀上

行禮畢復置法酒無敢譁失禮者高祖曰吾乃今日知為皇

帝之貴也拜通太常惠帝即位廼謂通曰先帝園陵寢廟群臣

莫習從通為奉常定宗廟儀法及稍定漢諸儀法皆通所論著

也是錯以文學為太常掌故

武帝以孔臧為太常上欲以為御史大夫辭曰臣世以經學為

業乞為太常典臣家業與從弟侍中安國綱紀古訓

桓榮子郁傳父業亦為太常初榮授朱普學四十萬言多浮辭

始定為十二萬言由是有桓榮君大小太常章句漢制總辟臣而聽曰省分

務而專治曰寺太常職天子之祈常

東觀漢記周澤字稚都少脩高節耿介特立好學問治嚴氏春

秋門徒數百人隱居上野不汲汲於時俗拜太常果敢直言數

有據爭朝廷嘉其清廉澤清肅遇疾妻問之以為干齋迷微語曰處世不諧為太常妻一日不齋醉如

華嶠後書劉愷為太常論議常引正大義諸儒為之語曰難經

沆沆劉太常

臧榮緒晉書咸熙五年詔曰華表字偉容清賢履道內貞外順

歷位忠恪言行不玷其以表為太常卿

安帝三年太常臨川王寶啓府舍窄不足移家母鍾年高違離

靡寧乞還第攝事詔聽之

梁陸倕表宗卿清重歷選所難漢晉已降莫非素範辭爵則桓

郁張奮讓封則丁鴻劉愷潘尼之文雅純深華表之從容退嘿

自古迄茲風流繼軌以臣况之曾無等級六帖居九寺之先冠九列之首崔駰箴翼

翼太常實為宗伯

後周書斛斯徵遷太常卿自魏孝武西遷雅樂廢缺徵博採遺

逸稽諸典故創新改舊方始備焉又樂有罇于者近代絕無此

器或有自蜀得之皆莫之識徵見之曰此罇于也衆弗之信徵

依于寶周禮註以芒筒桴之其聲極振衆乃歎服徵乃取以合

樂焉北史李元忠嘗為太常卿後自中書令復求為太常以其有音樂而多美酒故神武欲用為僕射文襄言其放達常

醉不可委以臺閣其子聞之請節酒元忠曰我謂作僕射不勝飲酒樂你愛僕射時宜勿飲酒

初學記唐太常表西京置一十二列首冠金吾東漢有三十九人多遷王鉉戴玄冕之七旒驅赤車之千乘

樂之禮

太平公主表陪尚省之衣冠厠容臺

白居易制立國之本禮樂為先今之大常兼掌其事歷代迄今謂之清選

唐書崔郊拜太常卿故事太常卿初上大閱四部樂於官署都人縱觀郊自私第去帽親導母輦公卿見者皆避道都人榮之崔日知遷太常以歷年久每朝士參集常與尚書同列時人號為尚書裏行

纂異日知恨不居八座為太常卿起樓與尚書省相對人謂之崔公望省樓

職畧宋治平脩禮書成百卷名曰太常因革禮初歐陽脩同判太常寺奏禮院文字散失請差官編脩嘉祐張洞奏用姚闢蘇

洵編纂至是成書

魏鄭公嘗以小戴禮綜彙不倫更作類禮一十篇帝美其言錄置內府

筆談陳彭年於禮文尤所詳練常攝太常卿設行黃道上有司

止之彭年正色曰自有典故禮曹畏其該洽不復詰問

丁南湖云陳彭

年以辭章遭遇天子久居翰林清秘人譽其官銜為一條冰患得此官而諂附王欽若丁謂人譏其性行為九尾狐

楊傑熙寧太常祠祭總要序宋朝歲祀天地五方帝神州宗廟

大明夜明太社太稷太乙九宮騰蜡為大祀文宣武成風師雨

師先農先蠶五龍為中祀壽星靈星中雷馬祭司寒司中司命

司民司錄為小祀凡太常典禮少府共服器光祿共酒齊黍稷

果實醢醢將作共明水明火太府共香幣太僕共牛羊司農共

豕俎熙寧四年冬詔以諸寺監祠事隸于太常所以肅奉神之

禮也

柳宗元監祭使聽祀周禮祭僕視祭祀有司百官之戒具誅其不敬者漢以侍御史監祠唐開元禮凡太祠若干中

祠若干咸以御史監祠祠官有不如儀者以聞其刻印移書則曰監祭使實應中尤異其禮更號祠祭使

分紀齊太常少卿袁聿修巡省河南兗州刺史邢劭與聿脩故

舊嘗於省中呼聿脩清郎至是送綉為信聿修不受與劭曰瓜

田李下古人所謹劭報書曰昔為清郎今為清卿矣杜牧詩帝命詩書將

增登禮樂卿

舊唐書元澹景雲中授少卿行冲以系出拓跋恨史無編乃撰

魏典二十篇學者向之有人得銅器似琵琶人莫能辨行冲曰

阮咸所作也雅樂家遂謂之阮咸

張文收善音律太宗將創制禮樂召文收於太常令與少卿祖

孝孫參定雅樂通鑑唐太宗使少卿祖孝孫以樂律授宮中音脩謹士陛下使教女樂又責謂之天下具以士輕乎

樂伎不進數被讓王珪與温彦博同進曰孝孫

宋史張載字子厚號橫渠先生嘉祐三年登第熙寧二年賜對

除崇文殿校書同知太常禮院

考索後漢諸丞皆掌行禮及祭祀小事總署曹事皆銅印黑綬

晉宋銅印黃綬齊梁黑綬一梁冠介幘皂衣

職林光宅中改太常為司禮天后時李嗣真為司禮丞聞東夷

三曲一遍援胡琴彈之無一聲遺忘

陶氏家傳陶覆之字孫宗為太常丞凡宗廟疑議多所決定時

人為之語曰定禮決疑問陶覆之

南史張憑舉孝廉詣劉真長還船須臾真長遣覓張孝廉船同

旅愕然既同載俱詣撫軍劉真長謂撫軍曰今日為公得一士

大平博士之選既前撫軍與之言咨嗟稱善乃曰張憑勃宰為

理窟卽用爲太常博士

新唐書呂才爲太常博士帝病陰陽家所傳書多謬僞淺惡世益拘畏命才與宿學老師刑落煩訛掇可用者爲五十三篇合舊書四十七凡百篇詔頒天下才於持議儒而不俚造方域圖續通典崔龜從記曰博士重官也由此選者繼登三事而又茲時同位者相望元和初權德輿李吉甫同在相位長慶中竇易直在中書杜元預提印使西蜀今僕射相公始與鄭肅中與常琮同居中書余復叨重委因志所聞以遺他日亦以知博士之選爲重焉時令狐絢父楚亦以博士入相時人榮之

晏公類要令狐楚曰叔孫通起帝典於桴鼓之中自此以還鴻生碩儒若賈誼董仲舒公孫弘稀不以此進元帝詔丞相御史

明於古今通達國體故爲博士今行能在臣右者知其班末祿

寡莫不以博士爲愧臣獨以爲榮詳曲臺之禮法攷庶僚之功

行太常三卿如蒞事博士無參集之禮王彥威淹識古今典禮求爲太常散吏補檢討

官彥威采隋唐禮條次彙分號元和拜博士又職林云爲曲臺新禮二十卷又採元和已來王公士民昏祭喪葬爲

續曲臺禮二十卷

太宗實錄和峴字晦之疑之子也授太常博士從祀南郊贊導

乘輿進退閑雅太祖謂近侍曰誰氏之子何相禮之明辨乎左

右卽以峴閱閣對尋拜刑部員外郎兼掌太常寺

胡廣陵令箴昔在皇業葬野衣薪禮非極哀不樹不封瓦棺聖

周虞夏攸增壞不毀瘞奢不害生是謂皇極百王此經故厚不

可始皇薄不可王孫乃眷西漢爰矩孝文陵臣司墓敢告守人

律筠周官考大樂令按周官太司樂中大夫二人而屬于禮官
 之宗伯古者取士必繇乎學其教之也必先乎樂大司樂學官
 也掌成均之學政樂非置鍾鼓而教亦必非佔畢之謂而已自
 漢以後射策決科之學勝博士弟子員徒以區區之文為黜陟
 之令雖同領屬于禮官之太常而大司樂不復與聞學政專治
 樂事所謂樂德樂語非復先王之舊矣

光祿寺

翰墨大全漢百官志秦郎中令掌宮掖門戶武帝太初改光祿
 勳卿一人掌宿衛宮殿門戶與謁署郎更直執戟考德行而進
 退之至梁時加卿字曰光祿卿除勳字唐光祿寺卿一人少卿
 一人掌酒醴膳羞之政宋併其職於宣徽院元仍宋舊 國初

置宣徽院使正三品後為光祿司卿徐興祖為之最後為光祿

寺從三品有少卿正五品寺丞從六品典簿從七品錄事從八品珍羞署

大官署良醞署掌醞署原始周禮天官膳夫上士二人中士四

及后世子按膳夫即今光祿寺官膳夫乃食官之長自膳夫以

下庖人內饗享人等官皆以上為之屬于冢宰漢時置光祿簿

丞秦置太官令即周官膳夫庖人外饗之任各設署正從六品署

承從七品監事從八品之職分理焉

漢書周文者名仁景帝初為郎中令仁為人陰重不泄常衣弊

補溺袴故為不潔清以是得幸入卧內於後宮祕戲仁常在旁

終無所言

建元二年郎中令王臧以文學獲罪皇太后以為儒者文多質

少以石建為郎中令事有可言屏人恣言極切至廷見如不能

言者

杜林字伯山從張竦受學博合多聞時稱通儒代郭憲為光祿勳內奉宿衛外總三署周密敬慎選舉稱平

後漢孫堪字子稚為光祿勳以清廉稱與周澤相類澤字稚都

京師號為二稚

楊雄箴經兆宮室畫為內外廊殿門闕限以禁闢國有固衛人有藩籬

魏史王肅為光祿勳時有魚集武庫肅辨之曰魚生於泉而見於屋失其所也邊將殆有棄甲之變乎後果有東關之敗

後漢書魯國陳正字叔方為太官令黃門侍郎與正有隙因進

御食以髮貫炙中光武啗炙見髮怒勅斬正正曰臣罪有當死

者三黑山出炭增冶吐炎焦膚爛肉而髮不銷臣罪一也匣出

佩刀匠石砥礪虧肌截骨曾不能斷髮臣罪二也臣朗月書章

奏側光讀經書旦臨御食臣與丞及庖人六日齊視曾不如黃

門兩目臣罪三也詔乃捨黃門而釋正

北史邢蚪字神虎為光祿少卿母在鄉遇患請假歸遇秋水暴

長河梁破絕蚪得一小船而渡船滿滿不沒時人異之

宣徽院

類聚唐置宣徽使始以宦者為之宋舊制二使通掌院事元置

宣徽院有左右使同知同簽書判官掌朝會燕享凡殿庭禮數

管閣門橫班諸司

宋史開寶九年以潘美依前山南東道節度使充宣徽北院使

節度領宣徽自此始

至道元年出宣徽北院使樞密院柴禹錫為鎮寧軍節度使太宗謂之曰舊制自宣

徽出不過禦使朕命委爾節旌亦可謂優恩也

至和元年趙抃言近非次除宣徽使節度使頗為煩數今後文
臣須會歷中書樞密院任用加之德望為人推服武臣曾經邊
鄙建立功業者方許除拜兼宣徽使元額只是二員至於使相
之任體貌尤重更當慎惜

類聚客省使唐開元中始置諸使其後增置宋內定客省使至
閣門使謂之橫班初以檢校官為之嘉祐二年詔客省引進各
置使一員副使六員內客省使凡崇政殿受朝則升東階侍立
掌四方進奉及四夷朝貢牧伯朝覲酒饌饗餼宰相近臣禁衛
將校節儀諸州進奉使賜物回詔之事引進使掌文武官正辭
謝國忌賜香諸道章表等事大元因之置客省使副使各一人
又置引進使副使各一人

唐天祐二年勅東上西上閣門制置各別至於常舉則以東上
居東或大忌進名遂用西閣為便宋橫班有東上閣門使西上
閣門使凡取稟旨命拱奉乘輿朝會游宴及贊導三公群臣蕃
國朝見辭謝糾彈失儀之事使副專之政和官制橫班副使之
名改為大夫而職任則內外官知焉其後所除總名知閣門事
仍兼客省四方館之職元置東上西上閣門使使副各二人又
有通事舍人承奉班等員

胡文恭制惟朱華之上閣當太微
之法官置副介之名用承諸使

職源唐崔崇禮以節義自將武德中官通事舍人善詞令進止

觀者皆竦

胡文恭制舊典通事本隸西臺近制建官則領朱閣非善音吐
有姿範者不得與選

鴻臚寺

漢百官志典客更名大鴻臚應邵曰郊廟行禮讚九賓鴻臚

傳之也唐置卿少卿丞領典客司儀二署宋為東西上閣門等

職國初置禮儀司正副後為鴻臚寺卿正四品少卿從五品寺丞

從六品主簿從八品又設司儀署司賓署俱正九品鳴贊序班俱從九品之職

真宗景德二年置國信司以契丹脩好有慶弔之使乃置國信司專主之領以宦者

初學記鴻臚卿漢官也周禮大行人掌賓客及諸侯朝覲事即

其任也漢官儀秦置典客掌諸侯及歸義蠻夷降者漢亦因之

成帝并入大鴻臚王莽改鴻臚為典樂隋唐改為同文館光宅初改司賓卿

魏志韓宣明帝時為大鴻臚宣前後當官在能否之間然喜以

已恕人始南陽韓豎以宿德在宣前為大鴻臚及宣在後亦稱

職故鴻臚中為之語曰大鴻臚小鴻臚前後治行相班如

李安世天安初為主客令齊使劉纘來聘安世美容貌善舉止

纘等自相謂曰不有君子其能國乎纘呼安世為典客安世曰

三代不共禮五帝各異樂安得以亡秦之官稱于上國纘曰世

異之號凡有幾也安世曰周謂掌客秦改典客漢朝鴻臚今日

典客君等不欲影響文武而殷勤亡秦

吳錄張儼弱冠知名早歷顯位以博聞多識拜大鴻臚使于晉

吳主孫皓謂儼曰南北通好以君有出境之才故相屈行對曰

皇皇者華臣蒙其榮無古人延譽之美磨鋒淬鏑思不辱命既

至車騎將軍賈充尚書令裴秀侍中荀勗等欲傲以所不知而

不能屈故事鴻臚朝事前後為之率多不善了

今缺當選御史中丞刀攸不審可否

附書蘇慶字伯尼煬帝方勤遠畧蠻夷朝貢前後相屬帝嘗從
容謂宇文述虞世基等曰四夷率服觀禮華夏鴻臚之職須歸
令望蓋有多才藝美容儀可以接對賓客者為之乎咸以夔對
帝然之即日拜鴻臚少卿王敦為鴻臚卿謂阮修曰卿常無食
鴻臚丞差有保能作否曰亦復可爾
論衡昭帝始元六年春以移中監蘇武為典屬國孝明之時讀
蘇武傳見武官名曰移中監以問百官百官莫知夫倉頡之章
小學之書文字備具至於無能對聖國之問者是皆美命隨牒
之人多在官也木旁多文字且不能知其欲又董仲舒之知重
常劉子政之知貳負難哉

唐張鷟集賢宗三楫之儀爰設九賓之禮周禮太行人小行人
制共服端闕統司謁者肅等威於
表著之位傳臚句於陛康之問

太僕寺

原始書罔命注太僕者掌王命之官也書穆王命伯冏為大僕
正曰昔在文武九侍衛

僕從之臣罔非
正人為中大夫周禮太僕正掌王之服位出入王之大命掌諸
侯之復逆王胝朝則前正位而退入亦如之其屬有鼓人救日

月則詔王鼓亦大僕所掌秦漢有大僕寺丞梁有大僕主簿唐
初命太僕張萬歲葺其馬政僅得牝牡二千匹自貞觀至麟德

四十年馬七十萬餘匹後世則以典牧馬之政 國初置滁陽
牧監從三品後為大僕卿從三
品少卿正四
品寺丞正六
品主簿從七
品

之職焉

漢書夏侯嬰高祖為沛公為太僕常奉車竟高祖世以太僕事
惠帝惠帝崩以太僕事高后高后崩代王之來嬰與東牟侯入

清宮以天子駕迎代王共立文帝後為太僕太僕王出入則自左馭而前驅

公孫賀字子叔少為騎士從軍數有功武帝初為太僕後八歲

代石慶為丞相子敬聲代為太僕父子並居公卿位上林賦孫叔奉轡衛

公驂乘注孫叔太僕賀也

東觀記祭彤字次孫建武中徵為太僕從東巡狩過魯坐孔子

講堂顧指子路室謂左右曰此太僕之室太僕吾之禦侮也

續後漢書趙岐初名嘉生於御史臺因字臺卿獻帝時為太僕

及李傕專政使太傅馬日磾撫慰天下以岐為副日磾行至洛

陽表別遣岐宣揚國命所到郡縣百姓皆喜曰今日乃復見使

者車騎

晉諸公贊郭展為太僕留心於養畜是以牧馬充初其後征吳

得以濟事

唐百官志太僕寺卿凡監牧籍帳歲受而會之上駕部以議考

課

張說牧碑頌天子十二閑為一廐馬二百一十六應乾之莢也

六廐成校五良一駑是之謂小備校有左右閑成十有二合月

之良也駑馬三良馬之數凡三千四百五十六是之謂大備故

春祭馬祖夏祭先牧秋祭馬社冬祭馬步敦其本也日初而出

日中而入焚原燎牧除蓐釁廐時其事也潔泉美薦房涼棧溫

翹首面陸交頸相劇宣其性也攻駒教駢講馭減僕刻之剔之

羈之莢之就其才也乾道為良坤元利牝駒從渥水駿發中廬

屈產賁其能鳴鴈門多其美脊豈止宗生異地族絕汧西而已

哉

唐書常弘景論穆宗用劉士經為太僕卿疏伏以司僕正卿位居九列在周之命伯冏其人所以惟月膺名象河稱重漢朝亦以石慶之謹愿陳萬年之行潔皆踐斯職謂之大寮今士經戚里常人班敘散秩以父任將帥家富貲財聲名不在於士林行義無聞於朝野忽掌卿寺有瀆官常

漢書張敬字子高為太僕丞

會典凡分管以卿隆慶三年題准定為三員以一員提督庫藏兼協理京邊二員協理東西二路萬曆九年裁革一員尋復舊少卿勅內兼載寺丞職名遇少卿缺則寺丞暫攝行事事例苑馬寺

原始周禮馬質量三物

一曰戎馬二曰駑馬三曰駑馬校人掌王馬之政辨六

馬之屬

一種馬二戎馬三齊馬四道馬五田馬六駑馬

晉時謂之馬曹亦曰騎馬 國

初都金陵設太僕寺于滁洲後定都于北平又設太僕寺于京師凡兩淮及江南山東河南每府州縣添設佐貳官一員專管馬政在外設行太僕寺於山西陝西遼東凡三處苑馬寺亦三處陝西甘肅各轄六監二十四苑遼東僅一監二苑內地則民牧以給京師之用外地則官牧以給邊方之用又于川陝立茶馬司五以茶易番戎之馬亦為邊計也 卿從三品少卿正四品丞正六品監正七品 周禮凡頒良馬而養乘之乘馬 四匹 一師四圉三乘為皂阜一趣馬三阜為繫繫一馭夫六繫為廐廐一僕夫六廐成校校有左右駕馬三良馬之數

唐開元時始命王毛仲為內外閑廐使牧養有法

衍義補古今馬政漢人牧於民而用於官勸民養馬有一匹者復卒三人邊塞縱民

牧唐人牧於官而給於民府兵制當給馬者官與其直宋始則

牧之官後則畜之民又後則市之戎狄宋馬政蓄於監牧曰官馬散於編戶曰戶馬市

於邊郡我朝兼用前代之制在內地則散之於民宋人戶馬

之令也在邊地則收之於官唐人監牧之制也而於川陝有茶

馬之設宋人市之於夷也在內有御馬監太僕寺牧地有鄭村等草場餉卒有騰驤等四衛

類聚漢太僕屬官有大廐未央家馬三令其後置左駿廐令晉

太僕統乘黃驎騮龍馬等廐梁大僕統龍廐內外廐唐改典廐

署令宋初有天廐雍熙改左右驥驥院景德增置群牧使副元

置尚廐局隸殿前司

符寶司

六典周禮地官有掌節春官又有典瑞並其任也漢以來惟旌

節稱節餘皆號符馬寶即璽也秦為符節令丞隸少府後漢令

一人六百石為符郎臺唐武后改為符寶郎元置符寶郎四人

隸殿前 國初置信寶提舉司正五品後為尚寶司有卿正五

少卿從五品寺丞正六品之職焉

漢書霍光初輔幼主政自已出殿中嘗有怪羣臣相驚光召尚

符璽郎郎不肯授光光欲奪之郎按劍曰臣頭可得璽不可得

也光甚誼之明日詔增郎秩二等

應邵漢官儀符節令兩梁冠赤幘位次御史中丞領上符璽符

令箴在尊曰璽在卑曰印防不可不審制不可無常如姬竊印晉鄙受殃符臣司節敢告不剛

環濟要畧符節令掌天子璽符及節麾幢有銅虎竹使符中分二人留其半付為信

會典御寶二十四顆 皇帝奉天之寶 皇帝之寶 皇帝行

寶 皇帝信寶 天子之寶 天子行寶 天子信寶 制誥

之寶 勅命之寶 廣運之寶 御前之寶 敬天勤民之寶

未年經史之寶 欽文之璽 冊符出驗四方等 凡誥勅

等合用某寶本司官會尚寶監官于皇極門用 凡諸王將軍

并文武官員誥勅本司官于 御前奏請寶用 凡遇慶賀大

禮先期一日本司官于 御前奏請寶捧是日設寶案于中極

殿皇極殿至期本司官二員各捧寶于 御前分行至皇極殿

東西相向立俟 上陞座西立者過東各置寶于案禮畢仍捧

寶分行至中極殿置案上而出其餘司官俱于殿內之東侍立

宗正院

考索宗正卿周官也周小宗伯掌三族之別以辨親疎戎王時

彤伯入為宗正秦置宗正掌屬籍漢因之平帝元帝中更名宗

伯五年又於郡國置宗師後漢有宗正卿掌敘錄王國嫡庶之

次宗室親族兩漢皆以皇族為之晉初燕以庶姓梁名春卿位

視列曹尚書唐武德置宗師龍朔改曰司宗光宅改司屬開元

中判宗正官屬皆以皇族為之自武德以來有以賜姓屬籍宗

思或以功或以來降其後則或借屬籍以寵藩鎮李正己之請

附屬籍李晟之編入屬籍張寶臣之賜姓列於屬甚者沙陀首

領亦以功而賜宋自仁宗景祐三年始置大宗正司以皇兄江

寧節度使尤讓皇姪彰化軍留後守節同知太宗正事元豐官

制屬有記室一人掌牋奏講書教授十有二人分位隸授兼領小學之事崇寧元年蔡京請宗室非袒免親以下兩世欲於西京南京遷補每處置敦宗院光宗即位改為睦宗院元置睦親府掌敦睦糾率宗屬欽奉王事有判睦親正事以宗室中屬尊者充又有同判睦親正事同簽睦親正事並以宗室充又置睦親正丞及知事諸睦親將軍副將軍檢法等員 國初置太宗正院改為宗人府有宗人令左右宗人正左右宗人以秦晉燕周齊五王為之俱正一品後存府以駙馬都尉為之設經歷司經歷正五品理其務焉

漢書劉德字路叔脩黃老術有智畧少時數言時事召見甘泉宮武帝謂之千里駒昭帝初為宗正丞後為宗正卿 **劉向**

字子叔本名更生德子也元帝初太傅蕭望之為前將軍少傅周堪甚見專任更生年少于望之堪然二人重之薦更生宗室忠直明經有行為宗正

晉書王覽字玄通孝友恭恪名亞于祥咸寧元年大中大夫詔曰覽少篤至行服仁履義貞素之操長而彌固其以覽為宗正卿

山公啓事羊祜忠篤寬厚然不長理劇宗正卿缺不審可轉作否

六典宗正卿之職掌皇九族六親之屬籍以別昭穆之序紀親疎之列九廟之子孫繼統為宗餘曰族

宋史英宗在藩邸凡宗室人材能否皆詳知之頗賢宗惠及即

位擇宗惠爲同知太宗正事告以選任之意宗惠乃卽所居築室曰聞義日興學士大夫講肄其間以身倡率宗屬 祥符八年詔建玉牒殿熙寧三年宗正寺言舊制每年裝成仙源積慶圖宗藩慶緒錄供送龍圖天章寶文閣如漢宗正歲上名籍水心集趙不息爲大宗正司時歲大旱一日進九劄子上卽施行退而焚其檢上知其忠親信之謂皇太子及嗣濮王等曰此賢宗室也知大宗正事始置自訟齋請賜書使宗室有過者讀焉奏修學宮添第子員訓勉宗室先教養後法戒薦其秀傑者數十人多至通顯所論天下事尤多

四朝國史元豐七年以宗景知大宗正事先是宗景父允弼宗司久故神宗復選而用之使諭其母先王久司宗正德及皇極今命而子繼之夫人宜多慰也

弁州別集 國朝令典親王子曰世子禮服視郡王郡王子曰長子禮服視鎮國將軍正統間定親王長孫授以世孫一品冠服郡王長孫授以長孫二品冠服

大明會典王國禮 皇明祖訓親王授以金冊金寶親王嫡長子年及十歲朝廷授以金冊金寶立爲王世子如或以庶奪嫡輕則降爲庶人重則流竄遠方如王年三十正妃未有嫡子其庶子止爲郡王待王與正妃五十無嫡始立庶長子爲王世子親王嫡子及庶子年至十歲皆封郡王授以鍍金銀冊銀印子孫未封者稱王子王孫言語皆稱裔旨凡王世子承襲王封朝廷遣人行冊命之禮授以金冊傳用金寶凡王世子并郡王娶

妃及郡王受封并郡王嫡長襲封者當先上聞朝廷遣人止行册命之禮洪武二十五年奏定王妃以下有所出者稱夫人凡

賀箋表皇太子親王於天子前自稱曰長子某第幾子某王某稱天子曰父皇陛下稱皇后曰母后殿下若孫則稱曰長孫某封某第幾孫某封某曰祖父皇帝陛下祖母殿下若天子之弟則稱第幾弟某封某曰大兄皇帝陛下尊嫂皇后殿下若封王者其分居伯叔及伯叔祖之尊則自稱曰某封臣某曰皇帝陛下曰皇后殿下若從孫再從孫自稱曰從孫某封某再從孫某封某曰伯祖叔祖祖母皇后殿下

睦親正丞神宗熙寧三年置丞三員以異姓朝臣充都官員外郎張稚圭知丞事光祿寺丞李德初同知丞事神宗疑用異姓王安石言前代宗正固有用庶姓時乃錄春秋時公族大夫事神宗曰此雖無前代故事行之何害安石曰聖人創法不必盡循前代所已行者於是召稚圭對面命之元豐五年詔大宗正

丞中書省奏差以文臣京朝官知元置丞三人因舊制也

言行錄田畫字承君人物雄偉議論慷慨俱有前輩之風入為

大宗正丞宰相曾布欲收置門下不能屈

知大宗丞謝伋上宗室五事曰舉賢才以強本支更法制以除煩苛擇官師以專訓導繼封爵以謹傳襲修圖牒以辨疎親詔內外從官各舉宗室一人始立法大嚴學官久闕襲封之典遂廢宗正有寺無官故伋言之

國子監

類聚虞帝曰夔命汝典樂教胄子周師氏以三德三行教國子凡國之貴遊子弟學焉保氏養國子以道教之以六藝六儀成王時彤伯入為祭酒戰國時荀卿年五十始來學於齊襄王時

最為老師齊尚脩列大夫之闕而三為祭酒漢吳王濞年老不
 朝為劉氏祭酒漢又置博士東漢置博士十四人而聰明有威
 重者一人為祭酒謂之博士祭酒晉武帝置祭酒一人永嘉中
 又置儒林祭酒一人以杜夷為之總統學中眾事宋明帝置總
 明觀祭酒一人齊梁號為國師唐祭酒為大司成領六學國子
 大學四門律學書學算學皆以儒學優重者為之胡廣曰凡官
 位之元長古者實得主人饌
 則老者一人舉酒以祭地周禮樂正司業父師司成隋大
 業三年於國子監初置司業一人宋有同判監事同管勾監事
 唐一人掌判監事宋景祐三年孫祖德請於直講京官內差一
 員充監丞六國時有博士掌通古今漢多至數十人武帝初
 置五經博士宣帝時及成帝五經家法稍增置博士一人博士

選有三科高第為尚書次為刺史其不通政事以久次補諸侯

太傅元始四年改博士為博士師晉武帝初立國子學置助

教十五人官品視南臺御史服同博士國朝置祭酒從四其

僚有司業正六繩愆廳監丞正七典簿典籍從八五經博士從八

品率性堂修道堂誠心堂正義堂崇志堂廣業堂並設助教從八

品學正正九學錄從九馬

漢書張安世薦蘇武明習故事奉使不辱命宣帝以武節著名

臣令朝朔望號稱祭酒甚優寵之

傅暢諸公讚裴頌為國子祭酒奏立國子太學開講堂築門明

刻石寫五經陳書周弘正陳宣帝時為祭酒卒詔曰弘正詞賦
 義府國老民宗道朕庠門望高禮閣卒殂殞朕田

然

晉書杜夷字行齊世以儒學稱元帝謂丞相王敦曰今大義類替禮典無宗朝廷滯義莫能攸正宜特立儒林祭酒官以弘其事處士杜夷棲情遺遠確然絕俗才學精博道行優備其以夷為祭酒皇太子三至夷第執經問義

南史張緒字思曼清簡寡欲建元元年立國學以緒為太常卿領國子祭酒以王延之代緒為中書令何點歎曰晉以子敬季瑛為此職今以王延之張緒為之可謂清官後接之者實為未易

何胤字子季為國子祭酒與太子中庶子王瑩並為侍中時胤單作祭酒疑所服陸澄博古多該亦不能據遂以玄服臨試爾後詳議乃用朱服祭酒朱服自此始也

周書盧誕本名恭祖拜給事黃門侍郎魏帝詔曰經師易求人師難得朕諸兒稍長欲命卿為師於是親幸晉王第勅晉王以下皆拜之於帝前因賜名曰誕又以誕儒宗學府為當世所推乃拜國子祭酒

王承字安期為國子祭酒承祖儉父暕並居此職三代為國師

前代未有國朝開縣林瀚子廷機孫熾三世皆翰林祭酒

唐書太宗以孔穎達在東宮數有匡諫拜國子祭酒仍侍講東宮太宗幸國學觀釋奠命穎達講孝經既畢達上釋奠頌手詔褒美先是與顏師古等諸儒受詔撰定五經正義

趙弘智篤孝通書傳父事兄弘安永徽初為陳王師講孝經百福殿諸儒更詰辨隨問酬悉舌無留語進國子祭酒弘安亦終

祭酒

賀德仁與從兄德基俱國學以文詞稱諸日學行可師賀德基又質斌斌賀德仁

李翱撰行狀韓愈拜國子祭酒奏儒生為學官日使會講生徒

奔走聽聞皆相喜曰韓公來為祭酒國子監不寂寞矣

孔郊元和中改國子祭酒嶺南節度使崔詠卒三軍請帥宰相

奏擬皆不稱旨因入對上謂裴度曰嘗有疏論南海進蚶菜者

詞甚中正此人何在抑求之度出訪或曰祭酒孔郊嘗論此事

度徵疏進之自上授嶺南節度使

劉克章為國子祭酒建言群臣輸光學錢治庠序宰相五萬節

度四萬刺史一萬詔可

鄭覃故相珣瑜之子以宰相兼判國子祭酒奏太學置五經博

士各一人緣無職田請依王府官例賜祿粟從之又進石壁九

經一百六十卷

李嶠讓成均祭酒表排金門而上玉堂步駕閣而遊鸞沼抱支

離之沉痾曠密勿之繁機分辭榮於瑣闥仍藉寵於環林顧非

席上之珍敢辱溝中之賞况東序蟻學稱為教化之宮西膠虎

門實應文章之宿論姬孔之制度談夏商之損益方期遺典隆

業有可發明豈伊曲學謏聞所堪尸忝

唐國子舞賦天子斂賢才之地合禮樂之府命宗伯因四時之

宜教胃子以六代之舞惟德是務以和為主翁左手以執籥就

前軒以樹羽方將發揮五禮張皇六詩忽投步而赴節乍整容

而自持雖鏘鏘與濟濟必庸庸以祗祗

言行錄楊龜山先生時字中立兼國子祭酒先是吳敏乞用時

以靖太學時得召對即為上言諸生伏闕紛紛欲忠於朝廷耳本無他意但擇老成有行誼者為之長貳即定矣上喜曰此無逾卿者乃亟命時時入太學召諸生慰勞焉

隋志凡六學生每歲有業成上于監者以其業與祭酒司業試之

唐書孔穎達字仲達以太子右庶子兼司業子志終司業志子惠元力學寡言又為司業三世司業時人美之

陽城為國子司業引諸生告之曰凡學者所以學為忠與孝也諸生有又不省親者乎明日還養者二十輩有三年不歸侍者斥之簡孝秀德行升堂上沈酗不率教者罷之生徒斤斤皆有法度

張參為國子司業年老嘗手寫九經以為讀書不如寫書

張燕公集國子監丞東朝東帶銀榜增華西序影纓環林益潤

設屬成均參釐政令庶事之務惟丞是司

漢書伏生濟南人也故為秦博士秦時禁書伏生壁藏之

賈誼年少頗通諸家之書文帝召以為博士時年二十餘最為

少每詔令議下諸老先生未能言誼盡為之對人人各如其意

所出

漢舊儀武帝初置學士取學通行修曉古今爾雅併屬文章者為之朝賀位次中都官吏稱先生不得言居其弟子

稱門

文帝時申公為詩最精以博士申公為詩傳號曰魯詩

韓嬰燕人也孝文時為博士景帝時為常山王大傳嬰推詩人之意而作外傳數萬言其語頗與齊魯間殊然其歸一也而燕

趙間言詩者由韓生

孟卿東海人也事蕭奮以禮授后蒼魯閭丘卿蒼說禮數自言號曰后氏曲臺記授沛聞人通漢子方梁戴德延君戴聖次君沛慶普孝君德號大戴為信都大傳聖號小戴以博士論石渠由是禮有大戴小戴慶氏之學

孔子之後孔順生鮒為陳涉博士鮒弟子襄為孝惠博士襄生忠忠生武及安國安國生延年皆以治尚書為武帝博士延年生霸亦治尚書事太傅夏侯勝昭帝末年為博士霸生光經學尤明成帝初即位舉為博士官至丞相

後漢書光武中興愛好經術先訪儒雅自是衛宏桓榮之徒繼踵而集於是立五經博士各以家法教授成帝詔儒林之官四海淵源宜皆明於古

今通達國體

翟酺字子超為大匠時上言孝文皇帝始置五經博士武帝大合天下之書而孝宣論六經於石渠學者滋盛弟子萬數光武初興愍其荒廢起太學博士舍內外講堂諸生橫卷為海內所集

董鈞字文伯博通古今數言政事永平中為博士時草創五郊祭祀及宗廟禮樂威儀章服輒令鈞參議多見從用當世稱為通儒光武召桓榮說尚書甚善之每朝會數奏經書曰得生幾晚

東觀記歐陽歛其先伯和從伏生受尚書至于歛八世皆為博士敦於經學恭儉好禮後以減罪下獄平原禮震年十七上書求代歛死曰伏見臣師歐陽歛學為儒宗八世博士而以減咎

當伏重辜上令陛下獲殺賢之譏下使學者喪師資之益乞殺身以代歛死

安帝覽政薄於藝文博士倚席不講朋徒相視怠散學舍頽敝翰爲園蔬牧兒堯監至於薪刈其下

隋書開皇初徵山東義學之士馬光與張仲讓孔籠竇仕榮張買奴劉祖仁等俱至並授太學博士時人號爲六儒

唐書徐文遠方正純厚有儒者風竇威楊玄感李密皆從其受學開皇中遷太學博士大業初禮部侍郎許善心舉文遠與包愷褚徽陸德明魯達爲學官遂擢授文達國子博士愷等並爲太學博士時人稱文遠之左氏褚徽之禮魯達之詩陸德明之易皆爲一時之最

南史何佟之字士威仕齊初爲國子助教爲諸生講喪服結草

爲經屈手中爲冠諸生有未曉者委曲誘誨都下稱其醇儒

沈峻字士嵩好學晝夜自課睡則以杖自擊遂博通五經充長

三禮爲國子監助教

宋史至道元年布衣潘閔對於崇政殿賜進士及第授國子四

門助教閔嘗與京師好交結上左右有言其能詩者因召見而

有是命未幾復追還詔書

類聚魏太學置五經課試之法置春秋穀梁博士東晉增置國

子博士十六人謂之太學博士宋元豐三年詔改國子監直講

爲太學博士每經二人後魏置太學助教八品後周置太學

助教上士六人宋置四門助教

宋書邢惲以布衣召對真宗東封還雍丘問以治道惲曰陛下東封西祀皆已畢矣臣復何言上悅除四門助教

唐書鄭處去宗愛其才為置廣文館以處為博士處不知廣文曹司何在計於宰相宰相曰上置廣文館以居賢者今後世言廣文博士自君始不亦美乎處乃就職

行人司

原始周禮太行人掌大賓之禮及大客之儀以親諸侯春朝諸侯而圖天下之事秋覲以比邦國之功夏宗以陳天下之謨冬遇以協諸侯之慮時會以發四方之禁殷同以施天下之政時聘以結諸侯之好殷煩以除邦國之慝問問以諭諸侯之志歸賑以交諸侯之福慶賀以贊諸侯之喜致樽以補諸侯之戒朝

覲宗遇會同六者諸侯之覲于王者也問問歸賑賀慶致樽四者天子致愛于諸侯者也以九儀辨諸侯之命等諸侯之爵以同邦國之禮待其賓客小行人掌謚號之職邦國賓客之禮籍以待四方之使者達天下之侯節山國用虎節土國人節澤國龍節以金為之道路旌節門關符節都鄙管節以竹為之國朝置行人司有司正正七品左右副從七品行人正八品之職焉左傳穆叔如晉報知武子之聘也晉侯享之金奏肆夏之三不拜工歌文王之三又不拜歌鹿鳴之二三拜韓獻子使行人子員問之曰吾子舍其大而重拜其細何禮也對曰三夏天子所以享元侯也使臣弗敢與聞文王兩君相見之樂也臣不敢及鹿鳴君所以嘉寡君也敢不拜嘉四牡君所以勞使臣也敢不

重拜皇皇者華君教使臣曰必諏於周臣聞之訪問於善為谷
谷親為詢谷禮為度谷事為諏谷難為謀臣獲五善敢不重拜
北宮文子相衛襄公以如楚過鄭印段廷勞于裴林如聘禮而
以勞辭文子入聘子羽為行人馮簡子與子大叔逆客事畢而
出言於衛侯曰鄭有禮其數世之福也其無大國之討乎
憲章錄洪武二十七年以先是所任行人多孝廉人材上以其
將命四方往往不稱使指至是始命以進士為之凡齋捧詔赦
奉使外夷論勞賞賜祭祀徵聘賢才賑濟饑荒整點軍馬等則
遣之餘非奉旨諸司不得擅差行人之任重矣
洪武二十三年詔考定使節之制禮部奏漢光武時節以竹為
之柄長八尺其旄三重今約漢節長三尺旄半尾三重

京尹

考索周成王命君陳尹東郊秦分天下為三十六郡京師為內
史漢因之景帝分左右內史武帝置京兆尹右扶風左馮翊三
輔後漢都洛為河南尹唐初置牧開元復為尹五代都汴為開
封尹宋朝牧尹不常置太宗真宗皆常尹京尹以親王為之號
判南衙九命知府
必帶權字以翰林學士為之及雜學士若侍制則
權發遣而凡所選皆人望蓋四方取則之地也掌尹正畿甸
中都之獄訟皆受而聽焉中興駐蹕杭州改為臨安府守臣帶
浙西安撫多卿監從臣燕紹興三年詔臨安府有奏稟事許不
時上殿乾道七年皇太子領臨安府尹就東京為解廢臨安府
通判兼判職官置少尹判官推官元置上路達魯花赤上路總
管兼府尹 國朝置順天應天府尹正三品 府丞正四品 治中正五品

通判正六品推官從六品之職下有經歷從七品知事從八品照磨從九品檢校之職焉

會典凡每月朔日早朝府尹面奏老人坊廂長聽宣諭承

旨出至承天門外傳旨宣諭

凡每歲立春先一日本府迎春於東直門外至日上御皇極

殿府尹進春次謁東宮進春皆如儀

凡親耕藉田上乘耒行三推禮府尹捧青箱隨播種于後

凡每三年鄉試本府奉請翰林院官為考試官先一日府丞與

考試官及各執事官早朝面辭入院三場題目皆府尹面

進事鼎府尹與考試等官面見捧鄉試錄進

通典唐京兆尹總理眾務皆曰尹南朝曰丹陽尹後魏初曰代

尹東魏曰魏尹齊曰清都尹

四朝志崇寧三年蔡京乞罷權知府置牧尹各一員專總管事

牧以皇子領尹以文臣充

通典京兆少尹魏晉以來治中之任隋文帝改為司馬煬帝又

改為贊治後又改為丞武德初復為治中永徽元年以太皇諱

改為司馬開元元年並改為少尹張平叔制故事內史缺未補

間亞尹得行大京兆事試可而即真者往往有之上孟少尹制雖有忠賢委

為尹正承而表之實資亞理

唐書郭行餘擢京兆少尹嘗值尹劉栖楚不肯避栖楚捕導從

繫之自言宰相裴度頗為諭止行餘移書曰京兆府漢時有尹

有都尉有丞皆詔自除後循而不改開元時諸王為牧故尹為

長史司馬即都尉丞耳今尹總牧務少尹副馬未聞道路間有
下車望塵避者故事猶在栖楚不得答其著名者詳一統志
名宦款府州縣亦然

留守

類聚漢和帝南巡張禹以太尉兼衛尉留守隋大業九年代王
侑留守西京唐太宗正觀十七年親征遼東置京城留守以房
玄齡克蕭瑀為副宋朝天子巡狩親征則命親王或大臣總留
守事建隆元年親征澤潞以樞密使吳延祚為東京留守其西
南北留守各一人以知府事兼之留守司掌官鑰及京城守衛
脩葺彈壓之事畿內錢穀兵民之政建炎初京城有副留守
唐書房玄齡為相會伐遼留守京師詔曰公當蕭何之任朕無
西顧之憂九糧械飛輪行留悉裁總之

唐職林郭子儀為京城留守自變生倉卒賴儀復安帝曰子儀
固社稷臣因勞曰用卿晚故至此乃賜鐵券圖形凌煙閣

白居易裴令公詩寵重移宮鑰恩新換闔苑保釐東宅靜守護
北門牢豹尾交牙戟虬髯捧佩刀通天白犀帶照地玉麟袍

劉禹錫送裴司徒守太原詩星使出關東兵符賜上公山河歸
舊國管籥煥離宮行色旌旗動軍聲鼓角雄愛棠餘故吏騎竹

見新童漢壘三秋靜胡沙萬里空其如天下望旦夕詠清風

司隸校尉

通典司隸周官也掌五隸之法辨其物而掌其政令帥其民而
捕盜賊 漢武帝征和四年初置司隸校尉持節從中都官徒
千二百人捕巫蠱督大姦得後罷其兵察三輔三河弘農哀帝

除校尉字後漢復為司隸校尉所部河南尹河內右扶風左馮翊京兆尹河東弘農凡七郡治河南洛陽無所不糾唯不察三公廷議處九卿上朝賀處公卿下凡司隸屬官有從事史十二人其都官從事史最為雄劇主糾百官之犯法者

列異記鮑宣子永孫昱俱為司隸乘驄馬京師歌之曰鮑氏驄三入司隸再入公馬雖瘦行步工

司天臺

類聚少昊時鳳鳥氏為歷正唐堯命羲和三代各有太史秦漢以來太史之任兼成周太史馮相保章三職宋有日觀即司天台也隋秘書省太史曹煬帝改曹為監唐因之武德改為太史局掌占天文及風雲氣候及祥異之事日具所占以聞歲歲頒

曆則造進御覽祭祀昏冠喪葬則擇所用日政和因仍無所改

其別局天文院鍾鼓院測驗渾儀刻漏所印曆所皆主占驗曆

法大元置司天臺有監令少監判官教授等員所掌亦同 國

初置太始院使後改院為監又為司天監定為欽天監正五有

監副正六 春夏秋冬中五官正俱從六品 五官靈臺郎從七品 主簿保

章正俱正八品 五官挈壺正從八品 五官監候司曆正九品 之職焉

齊國畫崔杼者亦稱太史則太史又似掌注記者蓋方是時學者通知天人而卜與廢者亦不純用著龜太史伯以祝融之功而推楚國之必興太史趙以虞舜之德而占陳氏之未亡其論議證據有絕人者故陰陽注記得燕掌之漢司馬談父子為太史令以論著為已任而又掌天官則燕掌之效于茲可見魏晉

之際始署著作郎自是太史之職分而為二孔明之時未也按後主景輝元年史官奏景星見於是大赦改元而曰蜀不置史安矣

司農卿

類聚少皞氏以九扈為九農正舜命棄為后稷播時百穀周禮有太府掌九賦九貢秦為治粟內史掌九穀六畜之供膳羞者凡郡國諸倉農監都水六十五官皆屬焉通典云屬官有大小均輸平準都內籍田

五令平帝改曰義和以劉歆為之又改為納言後漢為大司農

梁置十二卿以署為寺官為春卿唐有司農卿龍朔改為司稼

咸亨復卿掌邦國倉儲委積之事總上林太倉鈞宋司農寺二

人以兩制或朝官以上充元置大司農司有卿少丞等員國

初置司農卿正三品楊思為之後入戶部止置上林苑監正五

品左右副正六左右監丞典署俱正七品署丞正八品典簿錄事俱正九品

領蕃育林衡典牧嘉蔬四署焉

漢書宣帝時北海太守朱邑以治行第一為大司農居處節儉

張敞與書曰足下以清明之德掌周稷之業

唐元稹裴武制非牟融之循理康成之儒學不在茲選年融為大司農

性明達稱為名卿漢宗儒學選正鄭玄注以公車徵為大司農後漢鄭眾為司農以清正稱

宋張維司農寺壁記漢置九卿大司農其一也魏稍損益之始

置度支尚書掌軍國支計而大司農之職分矣其屬有度支左

戶右戶倉部金部隋更左右戶曰戶部唐因之至中葉國用不

足始置鹽鐵使繼又置度支使未幾罷使名而以戶部侍郎判

度支兼諸道租庸鹽鐵使歷五代以戶部度支鹽鐵為三司或以宰臣分判三司國朝則置左右計使總計使既又罷之三司使如初元豐官制行三司并入戶部唯常平免役新法與夫農

田水利則隸司農實退錄北史盧勇傳山西霜儉運山東租輸比齊隋書亦有云霜旱者唐初以前必皆有

蠲租故事白樂天詩九月霜降秋早寒禾穗未熟皆青乾此明證也

太府監

類聚周官太府下大夫秦漢以下不置然其職在司農少府至梁天監置夏卿煬帝分太府寺為少府監管尚方織染等署但管京都市及平準左右藏唐因之掌財貨廩藏貿易總京師四市左右藏常平七署龍朔改太府為外府正卿咸亨復光宅改為司府宋太府寺判寺事以兩制或帶職朝官元豐改制掌

財貨出納貿易之事凡貢賦之輸京師者至則別而受之供君之用及待邊費則歸於內藏供國之用及待經費則歸于左藏元改寺為監置監正少監丞管轄左右藏諸倉坊等署

衍義補周禮一書理財之法居多其制用之柄則付之大臣有

太宰以制其出有司徒以制其入而其官屬之置於太宰者為

允詳焉太宰以九職任萬民自三農生九穀園圃毓草木至臣妾聚斂疏材間民轉移執事任民之稅也以九賦斂財

均節財用自祭祀賓客至匪頑好用之式未見理財先見節財

有職內以會其入掌邦之賦入辨其財用有職歲以會其出

掌邦國之賦出以貳官府都有職幣以會其餘掌振事者之餘

副之則以待會計而攷之而其大要則總之以司會掌百用財物在書契

計而掌之以司書知其出入幣餘使入于職幣其所以參校鈎

稽之日有日要月有月成歲有歲會若夫司徒之屬則有所謂
泉府廩人倉人倉人者焉或以分其財守或以馭其財用固君
臣經國要務也

類聚太倉周司徒屬官有廩人倉人則其職也秦漢大司農屬
官太倉令丞各一人文帝時淳于意為之後漢秩六百石後周
有司倉下大夫宋豐儲倉掌九穀廩藏之事以給官兵祿食之
用 國朝有大倉錢穀則屬戶部焉

神農始作市周地官有司市其屬有質人鄆人胥師賈師司暴
司稽四長蓋諸市官也漢改秦內史為京兆尹屬官有長安市
長丞後漢河南尹屬官有雒陽市長丞東晉隸丹陽尹梁始隸
太府隋司農寺統京市令煬帝改隸太府唐因之京置東西南

三市宋新賣務舊曰市買司太平興國改紹興六年詔雜買務
雜賣場置提轄官一員

周禮司市掌市之治教政刑量度以陳肆辨物列物於肆而平

市以政令禁物靡而均市物之後靡者易禁以度量成賈而

徵價音育以質劑結信而止訟以書約以刑罰禁虺而去盜以

泉府同貨而歛賒貨不售者官為歛之大市日廵音例日而市

百姓為主交易衆多故朝市日出朝時而市商賈為主家於市

在夕市日入時細民之販以日餘力夕時而市販夫販婦為主

漢書置平準官籠天下之鹽鐵於京師

少府監
考索少昊氏五雉為五工正唐虞共工周官考工皆其職也秦

有將作少府掌治宮室又別有少府掌山海池澤之稅以給共
養漢因之將作少府則掌山澤陂池之稅實爲二官景帝中改
將作少府爲將作大匠世祖中興以謁者領其官章帝建初又
置少府卿一人掌中服御諸物衣服寶貨珍膳之屬統上方畫
家織室等令晉少府亦爲列卿統材官校尉中左右三尚方甄
官等令後周有匠師中大夫又有司木中大夫唐武德分將作
爲少府監龍朔改內府監老宅改尚方監開元初分甲鏡弓弩
別置軍器監宋少府將作各置監少建炎始并歸工部紹興復
置將作監併歸文思院元省將作監止置少府監少監各一人
丞二人掌邦國百工營造之事管轄文思尚方圖書裁造文繡
織染甄官七署

唐書尹思貞爲將作大匠僕射實懷貞讓作金仙玉真觀廣調
工匠思貞數有損節懷貞讓之答曰公輔臣也不能宣贊王化
而土木是興又聽小人譖以延辱士今不可事公矣乃拂衣去
類聚文思署太平興國三年置掌造金銀犀玉工巧之物金絲
繪素裝鈿之飾以供輿輦冊寶法物及凡器服之用隸少府監
興寧三年詔文思院兩界監官立定文臣一員武臣一員元置
令丞隸少府監 國朝工部屬有文思院使正八品副使從八品以理
興作焉

尚方署秦漢少府屬官有尚方令丞後漢一人其後分爲中左
右梁置左中右三尚方唐中署掌供內營造雜作左署掌造車
輦工扇弓箭弩戟器仗等右署掌造甲冑裝刀斧鉞等

後漢書宦者祭倫為尚方令監作秘劍及諸品械莫不精工堅密為後世法

織染署周禮九嬪職婦化理絲枲考工記理絲麻而成之謂之婦功漢初少府屬官有東織西織成帝省東織更西織為織室後周有司織下大夫隋煬帝置司織署令丞後并為織染署唐六典掌供天子皇太子及群臣之冠冕辨其制度而供其織務凡織紵之作有十組綬之作五紬線之作四練染之作六凡染大抵以草木而成有以花葉有以莖寔有以根皮出其方上採以時月皆率其屬而脩其職焉

甄官署周禮博埴之工二謂陶與甄也後漢將作大匠屬官有前後中甄官令丞晉少府領之宋齊有東西陶官凡署督令各一人

軍器監

類聚後周武帝四年置軍器監隋少府統鎧甲弓弩等局唐武德有武器監掌兵仗廐牧宋初軍器領於三司曹案元豐分案五掌造軍器及什物之事元置監少監 國朝設有益甲廠器皿廠臺基廠分屬戶工二部焉

西京賦森森羽衛鶴膝皎而含霜凜凜袿麾犀渠光而奪日萬人強弩動黃間而連機百辟神刀揮丹霞而吐鐸

唐張鷟集三屬之甲自合聖牢九石之弓固宜良勁又蘭錡分司武庫是藏兵之處

宋史熙寧三年置軍器監以兩制二人領焉遺著作佐郎朱伯

虎等齋精利軍器付遂州為式製造六年以呂惠卿曾孝寬充判監制度皆著為式

都水監

類聚周官川衡之職漢成帝以都水官多置左右使者各一人劉向護左都水使者至哀帝罷又有都船丞輯濯丞晉置都水臺使者唐改為都水署隸將作龍朔改司津監丞元置都水監掌川澤津梁舟楫河渠之事街道司隸焉有監少監有丞掾街道司有管勾官

六典古山林之官曰衡掌諸池苑故稱水衡應邵云主都水及上林苑故曰水衡張晏云令掌公私舟船及運漕之事丞為之貳諸州運至京都者則經其往來理其隱夫使監漕監之

晉諸公讚陳總有巧思遷都水使者楊伶期洛陽記云千金堤總所起

太醫院

類聚周有醫師上士下士秦少府屬官有太醫令丞後漢有藥丞一人梁隸門下省後魏有太醫博士助教隋煬帝置醫監醫正宋熙寧置太醫局元置太醫院國初置醫藥提舉司改太醫監後改太醫院院使正五品院判正六品御醫正八品吏目府州縣並設醫學焉

周禮疾醫掌萬民之疾病四時皆有癘疾以五味五穀五藥養其病以五氣五聲五色眠其生死瘍醫凡療瘍以五毒攻之以五氣養之以五藥療之疾醫今之內科 瘍醫今之外科

崔寔太醫箴動不肆勤靜不宴逸有疾歸天醫無能恤太上防疾其次萌芽賤理不蠲骨髓柰何

唐柳公權心正筆正之對穆宗知以筆諫公綽太醫箴曰

氣行無間隙不在大憲宗曰卿愛朕深蓋以醫諫也

宋史御藥院主管四人以入內內侍充掌按驗方書修合藥劑以待進御及供奉禁中之用凡藥必品嘗而後進大祭祀朝會燕享行幸則扶持左右饋進膳羞亦如之凡遷轉之序初除聽喚以進左右也自聽喚中選任上管龍圖天章閣長次遷管後苑次遷管內東門謂之門司次遷御藥謂之藥局自此為侍從由御藥擢押班即除昭宣使

周禮有食醫掌和五之六食六飲六膳百羞百醬八珍之齊

會典凡本院院使院判御醫日於內府御藥房分兩班輪直供事嘉靖年改建聖濟殿于文華殿後設御藥庫本院官分班輪直

凡收受四方進貢及儲蓄 上用藥品俱內府收 凡供用藥餌國初令醫官就內局修製本院診視 御脉御醫參看校同內臣就內局合藥將藥帖連名封記具本開寫本方藥性治證之法於日用之下醫官內臣書名以進置簿曆用中書省印合縫進藥奏本既具隨即附簿年月下書名內臣收掌以憑稽考

兵馬司

濡削還章兵馬司古無其名宋祥符初置京新城外八廂真宗以都門外居民林總不無相競競則獄訟繁興祇以赤縣尉理之得無滯事乎乃特置廂吏命京府統之天禧間增置九廂熙寧間詔以京縣官曾歷通判知縣者四人分治京城四廂前是

所差臣竝罷民小有關訟事徑決遣蓋以知開封韓維之請也
 中興臨安府依開封例於城外南北廂置主管公事近又於城
 內在右廂添置官二員分減在城詞訟其後罷在城左右二廂
 廂官二員移往城之南北蓋從侍御史周方崇之請也元亦置
 左右廂有廂官受給官祇應司令丞直長

國初置兵馬指揮使司設都指揮副都指揮知事後改兵馬指
 揮司為正四品衙門設指揮使副指揮知事各門役兵馬洪武
 十年定正六品衙門設指揮副指揮職掌京城巡捕等事革知
 事後定設五城兵馬指揮司惟中城止稱中兵馬指揮司俱添
 設吏目今每司設指揮一員正六品副指揮五員正七品吏目一員
未入凡京城該管地方街道坍塌溝渠壅塞及皇城周圍坍塌

者才司行委分管填墊疏通凡地方或有盜賊生發

即督領弓兵火甲人等擒捕凡官民房舍火起不分地方各
 司督領弓兵火甲人等俱持器械救火凡巡城御史批發囚
 犯該司取供送法司擬罪發落凡刑部都察院照勘提人檢
 屍追賊分委該司承行凡軍民人等在於街市鬪毆及姦淫
 賭博撒潑搶奪一應不務生理之徒俱許擒拏凡選妃禮部
 儀制司行各司選該管地方良家女子送諸王館備選隆慶年
議准以
科日出身有司年壯有志行者陞除兵馬指揮其
遷轉視京知縣聽巡城御史考察每年終各一次
 錦衣衛

濡削選章錦衣古無其名漢書中尉秦官掌徼循京師有兩丞
 候司馬千人武帝大初元年更名執金吾屬官有中壘寺五武

庫都船四令丞又一說漢書衛尉秦官掌官門衛屯兵有丞景
 帝初更名中大夫至後元年復為衛尉屬官有公車司馬衛士
 旅賁三令丞 國初設拱衛司領校尉隸都督府洪武二年定
 為親軍都尉府統中左右前後五衛軍士而儀鑾司隸馬十五
 年罷府及司置錦衣衛統軍與諸衛同所屬有南北鎮撫司十
 四所所隸又有將軍力士校尉人等其職掌直 駕侍衛巡察
 捕緝等事恩功寄祿無常員恒以都指揮都督統之永樂定都
 後照例開設雖職事仍舊而任遇漸加視諸衛獨重焉 凡
 聖節 正旦冬至三大朝會朔望日及每日常朝 郊祀等
 項 車駕出入該設鹵簿儀仗俱本衛提督所屬官校依次陳
 列 凡遇 陛殿本衛堂上官一員懸金牌於 御座前稍西

侍衛其遇大朝會千戶六員具朝服於殿前侍班 凡常朝輪
 千百戶旗校於奉天門今皇極門下侍衛聽候糾儀擊人朝退輪百
 百戶巡察皇城四圍其餘分守東華西華等門聽候 宣喚至
 夜輪百戶校尉同該日指揮於內直房直宿以備傳報其餘出
 外直房 凡奉 旨提取罪犯本衛從刑科給 駕帖都察院
 給批差官前去其差官就于該直千戶內具名上請
 僧錄司

會典國初置善世院洪武十五年改僧錄司正六品衙門設左
 右善世左右闡教左右講經左右覺義職掌釋教之事屬禮部
 其衙門南京建于天界寺永樂後北京建于大興隆寺今徙于
 大隆善寺 凡本司官俱選精通經典戒行端潔者為之不支

俸如有文移以僧人掌行僕從以佃戶充役 凡僧有三等曰
禪曰講曰教在外僧人府屬僧綱司州屬僧正司縣屬僧會司
管領皆統于本司

道錄司

會典國初置玄教院洪武年改道錄司正六品衙門設左右正

一左右演法左右至靈左右玄義職專道教之事屬禮部其衙

門建于朝天宮兩京同 凡道士有二等曰全真曰正一在外

道士皆統于本司 別集國朝文臣入仕正途惟有進士鄉科歲

舉薦亦次之其有不中是途而登大位者贈以師榮國公姚廣

孝布政使吳印華克勤俱以僧禮書蔣守約李希安崔志端工

書陳道瀛徐可成禮侍丁永中金贊仁師宗記俱以道士禮書

贈少保許紳禮侍蔣宗武通政使施欽仲蘭李宗周張鑾徐煇

俱以僧兵書金忠以下太常丞贈少卿袁瑛子尚寶卿忠徹以

相太常卿丘玄清以全真道人禮左侍湯序右侍康永韶以天

文生禮書邵元節少保禮書陶仲文禮侍李致省太常卿鄧尚

恩趙玉芝凌中以方術大子少保工書萬祺以推命入吏太常

卿顏班以巫師工侍蒯義蒯鋼蔡信郭文英俱以木工工侍陸

祥以石工吏書張度戶書徐揮刑書李友直兵書滕德懋徐璠

大理卿汪懋揚時習陝西參政平思忠俱以吏又蘇州知府况

鍾泉州熊尚初西安賈信亦吏也俱有聲名副都御史奎節吏

書郎本中侍郎汪河以省掾通政使張苗以承差工書嚴震直

禮書鄭沂以稅戶人才通政使樂暉以輸粟生禮侍李嘉以奉

祠所禮生禮侍張浚以諸書寫人太常卿杜安道杜尚觀以櫛

工光祿卿徐與祖井泉以廚役布政使蔡春王興宗以阜隸左

都楊善戶書劉中敷太僕卿崔文奎以守城書生大理卿朱奎

太常卿任道遜林章工侍謝宇俱以幼童薦工書趙榮少保兵

侍俞綱禮書裴天駿工書周惠疇禮侍張電工侍談相王槐翰

王府官

考索漢帝子為王王國置太傅 高祖初置諸侯王 相中尉 漢諸

有王尉六朝北齊俱有 各一人後每國置郎中令一人晉諸王

中尉元置府尉從五品 子

國大國有三卿左右常侍侍郎梁皇弟皇子府置師長史司馬

司馬主兵官宋齊諸王領鎮者各置一從事郎中諮議及掾屬

緣事記室等參軍漢三公及大將軍皆有記室魏祖輔漢以陳

及王府皆置漢元置正八品及文學漢公府州郡並有魏諸王始有文學員唐

主簿功曹等員嗣王府蕃隋親王置師友各一人文學二人長

史司馬諮議參軍掾屬各一人主簿二人餘事功曹記室等各

一人唐親王府傳一人諮議參軍友長史司馬掾屬主簿錄事

諸曹各一人文學記室典籤各二人宋王府師傳係以燕官為

之而無定員又有翊善太平興國置直講贊讀徽宗政和七年

講讀之官在天子謂之侍講侍讀而在諸王府者亦有侍讀官

記室及諸王宮大小教授英宗治平宗室日盛教授員止六人

學教授大學京朝等官元止置傳府尉司馬文學記室參軍國

初置諸王府左右相各一員左右傳各一員正從以鄭九成等

為相杜彥良等為傳而別設長史官為正五品尋以謝良等為

武相傳其後革相傳併入長史武相傳事亦入護衛今定長史

從五審理正正六紀善典膳典寶奉祠正良醫正俱正員職焉

晉詔藥伯請公族大夫悼公曰荀家悼惠而禮文敏賢也果敢

無忌鎮靖使茲四人者為之夫膏梁之性難正也故使悼惠者

教之使文敏者導之使果敢者諗之使鎮靖者修之

漢書昌邑王師王式繫獄當死使首責曰何以無諫書曰臣以

詩三百五篇朝夕授王至忠臣孝子之篇未嘗不為王反覆誦

之也至危亡失道之君未嘗不流涕為王深陳之也臣以三百

五篇諫是以無諫書

王吉為昌邑中尉以數諫王得減死髡戒子孫毋為王國吏其上疏曰廣廈之下細旃之上明師在前勸誦在後上論唐虞之際下及殷周之盛考仁聖之風習治國之道訢訢焉發憤忘食日新厥德其樂豈徒銜檄之間哉

龔遂為昌邑王郎中令膝行涕泣諫曰大王誦詩三百五篇人
事決王道備王之所行中詩一首何等也大王位為諸侯土行
污於庶人以存難以亡易

三輔決錄淮陽王宣帝愛子器異其才欲以嗣王恃寵自驕乃
用常玄成為中尉以輔導之受詔與蕭望之等論五經同異於

石渠閣

前書梁孝王招延四方豪傑齊人公孫詭多
奇計初見日賜金官至中尉號公孫將軍

邵弘字德裕時景帝為琅琊王請弘為中尉弘禮素方嚴儀容
甚偉王虚心聽納忻宴言話晝夜無休每上書諫王王讀三四
瞿然失色後謂左右曰思邵中尉之言使人于今毛豎

吳志吳儀字子羽南魯二宮初立儀以本職領魯王傳儀嫌二
宮相近乃上疏以魯王兼資文武為國藩輔二宮宜有降殺正
上下之序明教化之本書三四上為傳盡忠動輒規諫儀不治
產業不受施惠為屋舍才足自容鄰家有起大宅者權出望見
問大室者誰左右對曰似吳儀家權曰儀儉必非也問果他家
魏志中山恭王衮每讀書文學左右常恐以精力為病數諫止
之然性所樂不能廢也文學方輔相與言曰受詔察王舉措有
過當奏及有善亦宜以聞不可匿其美也遂具表稱陳衮美王

聞之大驚責讓文學曰修身自守常人之行耳而諸君乃以上聞適增其負累也

北史後魏王晞為常山王司馬在并州雖戎馬填閭未嘗以世務為累良辰美景嘯詠遨遊登山臨水以談燕為事士人謂之

方外司馬

謝超宗為黃門郎以失儀出為南郡王中軍司馬人問曰承有朝命定是何府超宗怨望答曰不知是司

馬為是司驢既足驢府正應為司驢有司奏以怨望免禁錮十年

唐書蘇良嗣高宗時為周王府司馬王年少不法良嗣數諫甚

見尊憚

劉悼之拜相王府司馬帝曰卿家忠孝吾子賴卿師矩冀蓬在麻不扶而挺也

薛元敬薛收及族兄德音齊名世稱河南三鳳收為長雛德音

鸞鸞元敬年最少為鷓雛武德中為記室敬謹畏未嘗申款曲

於房杜如晦歎曰小記室不可得而親不可得而疏

收字伯裘天策府記

室上書請王啟瀛王答曰明時千身未若一言

房喬為秦王記室征伐未嘗不從居府出入十年辦軍符府檄

駢馬即揮文約理盡初不著藁高祖曰若人機識每為吾見陳

事千里外猶對面語

宋史孫覺字莘老遷昌王府記室王問終身之戒覺為陳諸侯

之孝作富貴箴

唐書盧照鄰調鄧王府典籤王曰此吾之相如

王叔與進王曰此吾人財也

王叔與進王曰此吾人財也

王叔與進王曰此吾人財也

王叔與進王曰此吾人財也

王叔與進王曰此吾人財也

王叔與進王曰此吾人財也

王叔與進王曰此吾人財也

